



Jens-Frederik Nielsen
Inatsisartuni ilaasortaq, Demokraatit

24-01-2023
Suliap normua 2023 -
1062

§ 37 naapertorlugu apeqquteqaatinut nr. 006/2023 akissutit

Asasara Jens-Frederik Nielsen

P. O. box 1601
3900 Nuuk
Tel. (+299) 34 50 00
E-mail: isiin@nanoq.gl
www.naalakkersuisut.gl

Inatsisartut suleriaasianni § 37, imm. 1 naapertorlugu Naalakkersuisunut apeqquteqaateqarputit. Naalakkersuisut apeqqutitit qujassutigaa, uani ataani issuarneqartartut.

1. Akitsuutininik appaanerup 1. januar-miit atuutilersup kingunerisaanik neqinut akit pisisartunut akikinnerulernissaat Naalakkersuisut qanoq malinnaavigeqqissaarniarpaat?

Akissut:

Naalakkersuisut ilisimatitsissutigisinnaavaat Atuisartoqarnermut Unammilleqatigiinnermullu Aqutsisoqarfik pilersaaruteqarmat ulluinnarsiutinik nioqqutissanik nioqquteqarnermi akitigut qanoq unammillertoqarnera pillugu misissuinissami 2023-imi pilersaarusiortoqarmat, taakkunanilu pissusissamisoortumik aamma neqinik nioqqutit ilanngullugit misissuiffiqineqassapput. Niuerniusuni misissuineq pineqartut ittoq siunertaqarpoq qulaajaanissanik unammilleqatigiinnermi taamaattoqarsimappat ajornartorsiutaasinnaasut eqqarsaatigalugit, assersuutigalugu pissusiusussat sinnerlugit iluanaaruteqartoqartarnersoq imaluunniit akigititanik ataqatigiissumik assigiissaarisoqartarsinnaaneranut takussutissaqarsinnaanersoq.

Tamatuma saniatigut Kalaallit Nunaanni naatsorsueqqissaartarfik ukiup affakkaartunik nunatsinni atuisartunut akigitinneqartut qanoq ineriartorneri pillugit malinnaatitsissutaasunik saqqummiussisarpoq, tamatumani aamma nioqqutissani immikkoortut "neqit, neqinillu nioqqutissiat" 1 pillugit. Paasissutissat pineqartut piffissap ingerlanerani aamma atuisartunut akigititani

akiusut ineriartorneri pillugit immikkoortumi tassani paasissutissanik imaqartarput, 2022-imi ukiup affaanut kingullermut aammalu 2023-imi ukiup affaanut siullermut tunngasunik. Pissutsit allat akitsuutinik oqilisaanerup avataaniittut, soorlu nioqqutissanik pisiniartarfinni aamma assartuisartuni akiusut allannguuteqartarneri taamaattoq aamma pissutsit ineriartornerannut sunniuteqarsinnaasarput.

1.a) Pisiniartarfinni neqit akii appanngippata Naalackersuisut qisuariaatissatut periarfissat suut piareersimaffigaat?

Akissut:

Naalackersuisut inatsisitigit periarfissaqanngillat inuussutissarsiortut peqqussallugit akigititaminnik appaaqqullugit nioqqutissanut aalajangersimasunut tunngatillugu. Akitsuutinilli appaaneq siunnerfiusutut sunniuteqanngippat, Naalackersuisunit misissorneqassaaq suna peqquataasimassanersoq taamak pisoqarneranut.

Naalackersuisulli kalaallit suliffeqarfiutaat tatigaat akisussaassuseqartumik ataatsimut isigisumik ingerlatsinerannik, inuiaqatigiinnilu sulianninnik pingaaruteqartumik pissusissamisoortumik ingerlatsinerannik.

Niuertarfiilli ulluinnarsiutinik nioqquteqartut naatsorsuutigineqareersut akitsuutinik appaaneq atuisartunut sunniuttussanngorlugu ingerlateqqinngippassuk Naalackersuisut misissussavaat inatsisissatut siunnersuuteqarsinnaaneq nutaanik assersuutigalugu akileraartarnikkut akitsuusersuisarnikkullu suliassaqarfimmut atatillugu, imaluunniit unammilleqatigiinnermut inuussutissarsiornermullu inatsisitigit toqqaannarnerusumik qularnaarneqaaqqullugu aningaasartuutikillisaanerup ulluinnarnilu nioqqutaasut akikillinissaasa nioqqutissanik pisiniartarfiit aqputigalugit toqqaannartumik atuisartunut iluaqtissiinissaat angujumallugu.

Immikkut KNI A/S-ip nunaqarfinnut isorliunerusunullu nioqqutissanik pilersuineranut tunngatillugu Nunalerinnermut, Imminut Pilersornermut, Nukissiuutinut Avatangiisinullu Naalackersuisoqarfik imaattunik ilisimatitsivoq:

”Namminersorlutik Oqartussat aamma KNI A/S-ip nunaqarfinnik isorliunerusunullu nioqqutissanik pilersuineranut atatillugu kiffartuussinnermut isumaqatigiissutaat naapertorlugit isumaqatigiissutigineqartartussaavoq

atuutsinneqassallutillu nioqqutissanut akiusut annertussusissaat piffissami isumaqatigiissuteqarfiusumi.

Neqinut nioqqutigineqartunut akitsuutinik appaasoqarsimanngippat periarfissaqarpoq nioqqutissanik pilersuineranut atatillugu kiffartuussineranut isumaqatigiissummut ilassummik Namminersorlutik Oqartussat aamma KNI A/S-ip suliaqarsinnaaneranut, tasanilu akinik aaqqissuussinerit iluarsiivigineqarsinnaallutik.”

2. **Januar aallartinnerani nersussuup neqaa aserortikkap pisisartunut akia december 2022 aallartinneranut sanilliullugu qanoq annertutigisumik apparsimanagera Naalackersuisut paasissutissiissutigisinnaanerlugu?**
 - a) **Illoqarfinni aamma**
 - b) **Nunaqarfinni?**

Akissut:

Naalackersuisut pigingilaat nalinginnaasunik akigitinneqartunut atatillugit kisitsisit paasissutissat tamarmiusut kalaallit ulluinnarni nioqqutaasunik niuertarfiineersut 2022-imi decembarip aallartinneraneersut aammalu januar 2023-imeersut.

Ilanngullugulu aamma oqaatigineqassaaq nalinginnaasunik akiusunut kisitsisit paasissutissat sap. akunnerinut pineqartunnut ataasiakkaanut naammattunik paasissutissiinaviangitsut nioqqutissanut nunatsinnut eqqussorneqartunut akitsuutinik appaaneq eqqarsaatigalugu, 2023-imi januarip aallartisimalernerani suli neqinik akitsuutit nutaat 1. Januar 2023 atuutilernerat sioqqullugu eqqussorneqartunik nioqquteqartoqarmat. Taamaasillunilu taamaallaat sumiiffiit sikusartumiittut nioqqutissanik nalinginnaasunik nioqquteqartut siusinnerusukkut neqinut eqqussukkaminut atatillugu akitsuutinik akileriikkanik utertitsivigineqarsinnaapput, 2023-imi januarip aallaqqaataata kingornagut pilersuinissaminut isumannaarisimasut eqqarsaatigalugit.

Nunanut Allanut, Inuussutissarsiornermut Niuernermullu Naalackersuisoqarfiup ulluinnarni nioqqutaasartunik nioqquteqarfiusartut pisiniarfissuit arlaqartut qinnuigisarsimavai nammineq piumassutsimik apeqqutip 2.a-p akissuteqarfigineqarnissaanut peqataanissaannik, tamatumani aamma nioqqutissanik nunatsinnut eqqussuineranut akitsuutip peerneqarnera kinguneqarsimanersoq neqinut akigititaasa apparneqarnerannik imaluunniit apparneqarsinnaanerannik.

Tamatumunngalu atatillugu Naalackersuisoqarfik akissutunik tigusaqarsimavoq Kalaallit Nunaanni Brugsenimiit aamma Nuuk Købmandshandel A/S-imiit.

Kalaallit Nunaanni Brugseni ilaatigut imaattunik ilisimatitsivoq:

”Kalaallit Nunaanni Brugseni akinik appaavoq sap. akunnerani 1/2023 -imi neqinik nioqquitasunut akitsuutit peerneqartut annertoqataannik.

Tamannalu pivoq naak neqit lagerimiittut tamarmik akitsuutunik atorunnaarsitsineq sioqqullugu pisiaasimagaluartut, aammalu naak Ilulissani niuertarfippat neqinik annertuunik ukiuunerani pilersuinermini atorneqartussanik pisiniareersimagaluartuq, eqqussuinermini akitsuutitaqartunik aamma.

Neqinik qerisunik annikinnerusunik pisiniarfiutitsinni minnerni toqqorsivinniititaqarpugut (Paamiut - Narsaq - Nanortalik), slagterinik neqileriffeqanngitsuni, - nioqqutissat taakkua pisiniartarfitsinniilli akinik nioqqutissat puuvinut naqeriikkanik akiligaapput, taakkunungalu pisiniarfinnut atatillugu akinik appaaneq pissaaq Danmark-imiit nioqqutissanik nutaanik pilersuinermit atatillugu.”

Nuuk Købmandshandel A/S ilaatigut imaattunik paasissutissiivoq:

”Neqimut nioqqutissiarinerani aningaasartuutit ilanngutereerlugit iluanaarutissamik akissaanut ilanngussisoqartarpoq, taannalu imatut naatsorsorneqartarpoq:

- Nioqqutissiap akia pisinarineranut nioqqutissiarineranullu aningaasartuutit ilanngutereerlugit
- Assartuinermit aningaasartuutit
- Akitsuut
- Iluanaarutissamik ilassusiineq

Taamaattumillu akitsuut peerneqarsimappat nioqqutissaq akikinnerulissaaq, kisiannili nioqqutissiap akia qaffassimappat 6,75-imit annerusumik nioqqutissap akissaa qaffassaaq. Takusinnaavarput neqip suliarineqanngitsup aningaasarsiutigalugu isertitsissutigineqarsinnaanera qaammatini kingullerni 8-ani appariartorsimasoq, nioqqutissiassatut pisinarinerani akia annertoorujussuarmik qaffariaateqarsimammat.”

Nunalerinermut, Imminut Pilersornermut, Nukissiuutitut Avatangiisinullu Naalackersuisoqarfiup tamatuma saniatigut akissutinik pissarsivigisimavaa KNI A/S Pilersuisup illoqarfinni nunaqarfinnilu pisiniarfiutaani akitsuutinik allannguisimaneq pillugu, apeqqutip 2b-p akineqarnissaanut atatillugu.

KNI A/S imaattunik paasissutissiisimavoq:

”KNI -ip naatsorsuivigeqqissimavai nioqqutissat matumani pineqartut tunineranni akii ulloq 1. januar 2023 atuutilersumik, taamalu eqqunneqarnerannut akitsuut ilanngullugu naatsorsorneqarunnaarsillugit. Ataatsimut katillugit nioqqutissiat 450-it missaasa akii allanngortinneqarput. 500g nersussuit neqaat 53,95 [dkk]-iniit apparpoq 51,95 [dkk]-inut. 500g puulukip neqaa aserortigaq apparpoq 37,95 [dkk]-iniit 36,95 [dkk]-inut.”

KNI A/S -ip ilanngullugu ilisimatitsissutigaa:

”Sulianik aqqissuussinermi kukkunerit arlaqanngitsut kingunerisaannik nioqqutissat ilaat amerlanngitsut normuini iluarsisoqanngitsoorsimavoq pisiniarfinni naammassineqartussanik. Taakkua iluarsineqarput ulloq 5. januar 2023, pisisartullu neqeroorfigineqarlutik piffissami akunniliuttumi akit nikingassutigisimasaat utertinneqarsinnaasoq.”

3. Pineqartumut Naalackersuisut allamik paasissutissiisinnaanerlutik?

Akissut:

Pilersuisoq tamanut ammasumik nalunaaruteqarsimavoq atuisartut pisiaminnut allagartamik bon-imik takutitsinermikkut akitsuutit appariaataat utertissinnaagaat, neqinik 1. januarip 2023-ip kingornagut nutaanngitsunik akililinnik pisiaqarsimagunik.

Naalackersuisut inuiaqatigiit iluanni akiit qaffakkiartuaarneri, ukiup kingulliip ingerlanerani malinnaavigisimavaat, illoqarfinniittut nunaqarfinniittullu tamaasa akiit qaffanneranit sunnertissimmata. Naalackersuisut sionratigut akinik appariaateqartunik suliniuteqarnikuupput, Aningaasaqarnermut Akileraartarnermullu Ataatsimiititaliap 21. September 2022, Naalackersuisut qinnuteqaataat akuerimmassu imak qulequtalik “Akit qaffannginnissaannik utaqqiisaannaagallartumik iliuuseqarnissaq”. Naalackersuisut suliniutaanni siunertaasimavoq uuliap akianut tapiliussaqaq RAL-imut atuuttoq annikillisarinnissaq,

avannamut nassiussanut akit qaffannginniassammata, atuisullu taamaasillutik akit qaffannerannut eqqugaanissaat annikillisarlugu. Naalakkersuisut ukioq 2023 ingerlanerani, akit qaffakkiartuaarnerisa ineriartornerat malinnaaviginissaat ingerlateqqiinnassavaat.

Inussiarnersumik inuulluaqqusillunga

Med venlig hilsen



Vivian Motzfeldt